

# NotiOCA

## NotiOCA ta lanta cabe

Despues di exactamente 3 luna . . . Noti-OCA ta back den circulacion. Hopi otro deligencia a pone cu e trabao di directiva a bai otro caminda.

### DEN E EDICION AKI:

Reunion 15 mei	1
Banco di cabay	2
Mundial J&A	2
Feria Juni	3
Registro	3



## Reunion General di 15 di mei ultimo

### Punto nan di interes:

- Peticion di caballista
- Relato di tesorero
- Evento pa seleccion
- Enrique Neira

Dia 15 ultimo OCA a tene su reunion general anual caminda tesorero y secretario a presenta nan relatonan anual pa aña 2013. E reunion casi no por a sigui pa falta di quorum, pero na ultimo momento a logra sera 14 di e 27 miembronan. E relato financiero a muestra un saldo positivo di 37,600 florin, compara cu f.7,410 di aña 2012. E relato ademas a refleha na e sala cu no obstante cu e entrada di 130 mil florin tabata considerablemente menos

cu e 173 mil florin di e aña anterior tog a logra e resultado bunita aki. E diferencia grandi ta cu na 2012 tabatin e Mundial di Jinete & Amazona, cu a representa un gasto grandi di 54 mil florin.

For di e sala di e reunion general a sali algun peticion. Myron Wever ta desea pa caballistanan por ta mas active, organisando actividadnan social pa trese mas ambiente entre caballistanan, cu ta algo cu ta hasi hopi falta. Tambe el a hasi e peticion

pa directiva studia e posibilidad pa organisa un competencia pariba di brug. E por ta hasta un festival y esaki por ta algo historico, ya cu nunca a tene un competencia den e seccion pariba di nos isla. Esaki lo por atrae un publico hopi diferente.




## Seleccion pa Mundial 2014

E 16 seleccionadonan cu proximamente lo competi na e Mundial di Confepaso na ciudad di Pereira ta den pleno preparacion bao di direccion di Igor Kock y supervision di e comision di directiva di OCA. E grupo aki lo hasi un presentacion di prueba dia 29 di e luna aki na Villa Floralina pa asina e wowonan critico por determina kiko mas nan falta pa e competencia di dia 4, 5 y 6 di Juli. E evento aki ta di 8'or di mainta pa 12'or.

## Ken ta forma parti di nos seleccion?

*Aruba ta hiba un selección mas chikito pa e Mundial di 2014 na Pereira, Colombia. Pero sigur no tin falta di talento den e tremendo grupo aki.*

E seleccionadonan di Aruba ta: Den e categoria te 8 aña tin Ela Nucete (6), den e grupo te 11 aña tin Genesis Pietersz (10), den e categoria di edad te 14 tin nada menos cu 6 amazona y nan ta Aaliyah Acosta (12), Alexia Chin (12), Elizabeth Johnson (12), Melanie Wever (13), Nina van Romondt (13), Natalia Mouawad (14). Pa jinete di e mesun categoria tin Willem Werleman (14). Den e categoria te 17 aña tin Ela Pols (15), Savannah Hasham (16) y Shayna Werleman (16). Den e grupo di edad mas grandi tin den e categoria te 20 aña Juan Jose Werleman (19). Den e ultimo categoria cu ta te 24 aña tin Alina Mansur (22), Marc Yanez (21) y Mark Bruin (22).



## Inscripcion pa siguiente feria

A scohe Diarazon dia 28, un dia prome cu Hemelvaartsdag, pa tur inscripcion pa nos competencia di dia 7 y 8 di Juni. OCA ta combina esaki cu un anochi di demostracion di cabai, pero tambe como un training. Como incentiva OCA ta ofrece cu cada propietario cu trese un of mas ehemplar lo hanya un voucher como descuento di f.50 riba e suma cu nan mester paga pa inscribi nan ehemplar. Esaki ta pa trese mas animo y interes entre caballistanan pa hasi e anochi aki uno socialmente atractivo pa tur hende. E evento ta cuminsa pa 7:30 di anchi.

## Feria na Villa Floralina

E proximo competencia di cabai lo ta dia 7 di Juni proximo na Villa Floralina y e dia despues lo tin competencia di Jinete y Amazona. Na e competencia aki ta anticipa cu varios ehemplar jong lo debuta pa cual tin basta curiosidad entre e caballistanan. Mas despues nos lo publica number di e ehemplarnan. E huez pa e feria aki no ta determina ainda.



## Miembronan a topa cu e prome registronan

Durante e reunion general president Alex Cybul a muestra e presentenan e prome registronan cu a keda oficialmente acepta den e data-bank di Fedequinas na Bogota. E registronan ta di un calidad hopi halto. Pa un banda e ta imprimi riba logonan di Fedequinas y pa e otro banda riba logonan di OCA. Den e dianan nos dilanti lo tin mas registro pa bin cla y a invita e manager di e data-bank di Fedequinas pa bin Aruba pa hasi e entrega oficial na e propietarionan durante un ceremonia oficial. Ta trata aki di Enrique Neira y OCA ta trata pa e por ta na Aruba pa mitar di otro luna.



## Tremendo papel Melanie

Aruba su amazona di 13 aña den e deporte di cabay Melanie Wever a participa na Spectrum International 2014 e dianan 24 y 25 di Mei na Tropical Park Equestrian Center na Miami-Florida.

Y a sobre sali un biaha mas cu e siguiente premionan:

24 Mei Promer lugar Sub Junior equitation

25 Mei CHAMPION den categoria Youth equitation championship categoria 171

25 Mei CHAMPION: International equitation championship categoria 176 di 12-17año unda Melanie tabata esun dimas jong unda un mucha homber tambe a participa hunto cu nan.

Asina aki Melanie ta sigui cu su tremendo preparashon pa mundial cu ta na caminda aki 3 siman na Colombia.

Masha pabien ta bini di henter famia y team completo di Rancho Las Piedras na Melanie Wever y mayornan Ludmila & Myron Wever y na su trainer/mentor Igor Kock.

### O.C.A.

Oranjestad

Aruba

Phone:

(+297) 594-2495

Fax:

(+297)582-3005

E-Mail:

ocaboard@ocaruba.com

*Nos website:*

<http://www.ocaruba.com/>



## Tokante nos Organizacion

E Organisation Caballistico Arubano OCA a wordo funda na aña 1985. Meta principal ta pa fomenta e deporte di cabaynan di paso fino, e caballada y aficionadonan aki na Aruba.